

# Кузь нэм да бур шуд!

## Эжва йывлөн слава

### Клавдия Терентьевна Уляшева

Чужис 1925 вося июль 28 лунё Вольдінын. Кызь во уджаліс «Вөр фронт» колхозын, сэсса көкъямыс во «Помоздинской» совхозса Вольдін отделениеын рабочёйон. Социалистической ордыйсьёмын вермысь. Бөрйылісны сиктсөветса депутатон.

Верёсыскөд быдтіс да велөдіс вит челядьос.

Бур уджысь сетісны «Уджывьса ветеран», «За доблестный труд в годы Великой Отечественной войны 1941-45 г.г.» да юбилейной медальяс.

Кувсис 2002 вося июнь 3 лунё Вольдінын.



# Staritsa

Эжва йывса войтырлөн газет

Эз кө  
вөв куш,  
эз вөв  
и плеш

(коми шусьөг)

Петё 1929 восянь

Четверг, 2011 вося октябр 20 лун 127 (10402)-өд №

## ТӨДӨЙ, МЫЙ ВЫЛЫС

### ВЫЛЬ УДЖТАС

Коми республикаса правительство сентябр 28 лунё кырымаліс выль индөд.

Сы серти регионын лоё лосьёдома «Пось ва, шоньд да электрической энергия вөчигөн улын сорта вөрөн да вөр колясьясон ломтас пыдди вөдитчөм (2013-2014 вояс)» дыркадся торья мога уджтас. Уджтаслыс баласө лоё дасьтома да вөзйөма республикаса правительстволы видлалөм вылө 2012-өд вося июль 1 лунөдз.

### МУНӨ ДАСЬТЫСЬӨМ

Районса юралысь Д.А.Шатохин нуөдіс Кулөмдін районлыс культура луньяс юркар-ын нуөдөм кузя заседание.

Культура луньяс восясны ноябр 4 лунё коми культуралон шөринын. Шөрин водзын «Помөс-дін» да «Пожөг» кооперативьяс, крестьянин да ас овмөсьяс вузасысны картофельон, капустаон да мукөд град выв пуктасьясон, яйон да йөлысь вөчөм вөлөгаон, тшак-вотөсон. Коми культуралон шөринын лоё фотовыставка. Юр-карса олысьяс вермасны адзысьлыны районса гижысьяскөд. Культуралон водзмөстчысьяслөн «Югөр» шөринын карса олысьясөс төдмөдасын районса инвестиционной проектъясон, район-ысь петөм том йөз адзысьласны районса юралысь Д.А.Шатохинкөд. Лоө Эжва йывса олысь-яслөн кион вөчөмторьяслөн выставка-вузась-өм. Рытнас Помөсдіна народной театр национальной музыкальной драматической театрын петкөдлас Алексей Поповлысь «Туналөм ор-дым» спектакль.

Ноябр 5 лунё шөр стадион вылын лоё республикаса юралысь, правительство да Кулөмдін администрация костын футбол кузя ёртасын адзысьлөм.

Рытнас опера да балет государственной театрын лоё районса творческой котырьяслөн гала-концерт. Сцена вылө петалас 300 гөгөр морт. Театрлөн мөд судтаын фойейн лоө Эжва йывса олысьяслөн кион вөчөмторьяслөн выставка-вузасьөм.

Районса олысьяслы эм позянлун октябр 30 лунё районса культура керкаын дон вылө видзөдны гала-концерт.

### ЛОӨ «ГӨГРӨС ПЫЗАН»

Октябр 25 лунё 10 часьянь редакцияын лоө «Коми войтыр» районса представительстволыс конференция нуөдөм кузя «гөгрөс пызан».

Конференция мунас ноябр 22 лунё районса культура керкаын. Сы вылын вөчасны 4 вося уджлы кывкөртөд. Конференция вылө вермас волыны республикаса юралысь Вячеслав Гайзер.

Районса олысьясөс корам сюртчаны «гөгрөс пызан» дорө. Верманнуд пыөдчыны гижөмөн либө 94-8-64 телефон пыр Николай Александрович Лютоев дорө.

Асланым да общ. корреспондентьяс.

Районса юралысь Д.А. Шатохин сетіс Кебангёль-са олысь А.В.Конченелы «Сила добра» Коми региональной некоммерческой благотворительной фондсянь кос бассейн да «Единая Россия» партия-сянь вежөр сөвмөдан Лего конструктор.

- Менам 11 арөса Маша ныв - инвалид, - висьталіс Анжела Владимировна. - Сыкөд унаысь вөлім санаторийясын, кытысь ад-дзывлім кос бассейн. Машалон вөлі ыджыд көс-йөм, медым бассейныс вөлі аслас. Но нёбнысө позянлунным эз вөв. Кос бассейн кузя ми пыөдчим «Сила добра» фондөн веськөдлысь Т.А.Козлова дорө. Татьяна Анатольевна көсйысыс отсавны. И отсалис. Т.А.Козловалы да «Единая Россия» партиялы ми Машакөд висьталам ыджыд аттё. Нёшта нывлы колө коляска.

Российской Федерацияса президент Д.А. Медведев неважөн көсйысыс могмөдны инвалидьясөс коляскасон. Сідзкө, и Машалы сійө вичмас.

Гижөд да снимок Николай ЛЮТОЕВЛӨН.



## КОМИ РЕСПУБЛИКАЫН

### ВЫЛӨ ДОНЪЯЛІС МОСКВА

Неважөн Москваын муніс видз-му овмөс прөдукциялөн «Зарни ар - 2011» Россияса 13-өд выставка. Коми республикаысь асьыс прөдукция нулісны чипан видзан Сыктывкарса да Зеленечса фабрикаяс, Луздор районысь «Южное» котыр, «Пригородной» совхоз, Воркутаса «Оленевод» котыр, вина-водка вөчан Сыктывкарса завод, «Комирыба» кооператив, йөв вөчан Сыктывкарса завод, «Матреко» котыр. Выставка вылын петкөдчысьяслы ставныслы вичмисны дипломьяс. Коми республикаысь вайөм прөдукция ёна воис сьөлөм вылас видз-му овмөс министерствоса специалистъяслы да выставка вылө волюсьяслы.

Коми республикаысь видз-му овмөс министр Сергей Чечёткин висьталіс, мый выставка вылын медся уна сикас вузалантор вөлі «Комирыба» кооперативлөн да чипан видзан Зеленечса фабрикалөн. Выставка вылө волюсьяс ёна юасисны, кор да кытысь позьё нёбны Комиын вөчөм вөлөга.

«Эз төдчана, мый ми ветлім тайö выставка вылө, - шуис С.Чечёткин. - Ми сизим во нин эг петкөдчылöй татшөм вылын тшупөдын. Таясь кындзи, сёрнитчим Москваса правительствокөд, мый матыса кык төлысьөн Москваын Пушкинской площадь вылын нуөдам Коми республикалысь

луньяс, көні петкөдлам Комиын вөчөм вөлөга. Тайö зэв ыджыд шедөдөмтор, сы вөсна мый Москваса рынок вылө веськавны зэв сьөкыд».

### ПРАВИТЕЛЬСТВОСЯНЬ ОТКРЫТКА

Комиын олысь быд семьялы воас республикаса правительстволөн администрацияысь открытка. Республикаса юралысь Вячеслав Гайзер висьталіс, мый Комиын олысь быд морт вермас пуктыны асьыс пай республикалөн сөвмөмө да вежсьөмө.

Юралысьлөн кывьяс серти, медым бура венны мытшөдьяс, власьтылы колө кывны йөзөс. Та могысь матысса кадö Комиын олысь быд семьялы почта пыр воас открытка, көні мыш вылас лоө гижөма республикаса правительство администрациялөн адрес. Йөз вермасны гижны тайö адрес вылө асьыныс юалөмгьяс да төдчана вөзйөмгьяс, кодгьясөс лыддьö медся коланаон пөртны олөмө республикаын.

«Татшөмтор видлам нуөдны сы могысь, медым төдны республикаын олысь йөзлысь видзөд-ласьяс да сы подув вылын нёшта стөчмөдны правительстволысь көсйөмгьяс да балаяс», - кык-көртис республикаса юралысь.

В.Гайзер висьталіс, мый тайөс вөчны ышөдіс «Стратегия 2020» уджтас, Народной программа да Народной бюджет видлалігөн нуөдөм удж.

КОМИИНФОРМ.





